



OPĆINA KAKANJ

Općinski načelnik

MUNICIPALITY OF KAKANJ

Municipality Mayor

Broj: 02/1- 7352 /17

Datum: 28. 11. 2017. godine

Na osnovu člana 64. stav (1) tačka b), člana 70. stav 1., 3. i 6. Zakona o javnim nabavkama („Službeni glasnik BiH“, broj: 39/14 i 47/14), člana 3. i 8. stav 1. i 2. tačka c) Pravilnika o uspostavljanju i radu komisije za nabavke („Službeni glasnik BiH“, broj: 103/14), Rješenja o imenovanju Komisija za nabavke za 2017. godinu, broj: 02/1-166/17 od 18.01.2017. godine, na preporuku Komisije za javne nabavke konstatovane u Zapisniku o pregledu i ocjeni ponuda, broj: 08/1-14-4307-1/17 od 24.11.2017. godine, u konkurentskom zahtjevu za dostavu ponuda – nabavka i isporuka roba i vršenje servisiranja uređaja mobilne stanice za praćenje kvaliteta zraka općine Kakanj u 2017. godini, Općinski načelnik kao ugovorni organ, d o n o s i

**ODLUKU**  
**o izboru najpovoljnijeg ponuđača**

Član 1.

Prihvata se Preporuka Komisije za javne nabavke, broj: 08/1-14-4307-1/17 od 24.11.2017. godine i ugovor za nabavku i isporuku roba i vršenje servisiranja uređaja mobilne stanice za praćenje kvaliteta zraka općine Kakanj u 2017. godini, dodjeljuje se ponuđaču DVOKUT PRO d.o.o. Sarajevo, za ponuđenu cijenu od 10.073,50 KM bez PDV-a, (odnosno 11.786,00 KM sa PDV-om), kao najbolje ocijenjenom ponuđaču.

Član 2.

Prijedlog ugovora o nabavci dostavit će se na potpis izabranom ponuđaču, po proteku roka od 5 dana, računajući od dana kada su svi ponuđači obaviješteni o izboru najpovoljnije ponude.

Član 3.

Za izvršenje ove odluke zadužuje se i ovlašćuje Služba za privredu, urbanizam i zaštitu okoline i Komisija za javne nabavke Općine Kakanj.

Član 4.

Ova odluka objavit će se na web-stranici Općine Kakanj, (www.kakanj.gov.ba), istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

**O b r a z l o ž e n j e**

Na osnovu Odluke o pokretanju postupka javne nabavke: nabavka i isporuka roba i vršenje servisiranja uređaja mobilne stanice za praćenje kvaliteta zraka općine Kakanj u 2017. godini, broj: 02/1-6423/17 od 23.10.2017. godine, Komisija je provela postupak javne nabavke, putem konkurentskog zahtjeva za dostavljanje ponuda, sa objavljivanjem Obavještenja o nabavci, broj: 792-7-1-27-3-25/17 od 01.11.2017. godine.

Procijenjena vrijednost javne nabavke je 10.645,00 KM bez PDV-a.

Komisija za javnu nabavku je dana 24.11.2017. godine sačinila izvještaj o ocjeni ponuda i dala preporuku o izboru najpovoljnijeg ponuđača broj: 08/1-14-4307-1/17 od 24.11.2017. godine, u postupku javne nabavke nabavka i isporuka roba i vršenje servisiranja uređaja mobilne stanice za praćenje kvaliteta zraka općine Kakanj u 2017. godini.

Nakon isteka roka za dostavljanje ponuda evidentirano je da su svoje ponude dostavili sljedeći ponuđači:

r/b	Ponuđač	Cijena ponude bez PDV-a (javno otvaranje ponuda)
1	DVOKUT PRO d.o.o. Sarajevo	10.073,50 KM
2	E3 d.o.o. Sarajevo	9.780,80 KM

U izvještaju o radu utvrđeno je da je Komisija za javnu nabavku blagovremeno i pravilno izvršila otvaranje i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda dvije,
- da su blagovremeno zaprimljene sve ponude,
- da se ponuda ponuđača E3 d.o.o. Sarajevo, odbacuje u skladu sa članom 68. stav 4. tačka i) Zakona. U ponudi ponuđač nije dostavio Izjavu o ukupnom prometu ponuđača, u segmentu poslovanja koji je predmet ugovora, za period od tri posljednje finansijske godine ili od datuma registracije, odnosno početka poslovanja, ako je ponuđač registriran, odnosno počeo s radom prije manje od tri godine, što je propisano u poglavlju c), tačka 4. b) Tenderske dokumentacije, a što je u skladu sa članom 47. Zakona. Pored navedenog, imenovani ponuđač u Izjavi o prosječnom godišnjem broju zaposlenih, nije dostavio i broj rukovodećeg osoblja u posljednje tri godine, a što je u skladu sa članom 50. tačka d) Zakona .
- da je ponuda ponuđača: DVOKUT PRO d.o.o. Sarajevo, prihvatljiva i ispunjava uslove za kvalifikaciju.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Uvidom u priloženu dokumentaciju, nesporno je da izabrani ponuđač DVOKUT PRO d.o.o. Sarajevo, u potpunosti ispunjava zahtjeve ugovornog organa utvrđene tenderskom dokumentacijom.

Data je preporuka Ugovornom organu da se u predmetnom postupku javne nabavke: Nabavka i isporuka roba i vršenje servisiranja uređaja mobilne stanice za praćenje kvaliteta zraka Općine Kakanj u 2017. godini, izvrši dodjela ugovora navedenom ponuđaču, čija ukupna cijena ponude je **10.073,50 KM bez PDV-a**, (11.786,00 KM sa PDV-om).

Iz navedenih razloga, primjenom člana 64. stava (1) tačka b) Zakona o javnim nabavkama, odlučeno je kao u dispozitivu.

#### **POUKA O PRAVNOM LIJEKU:**

Protiv ove odluke može se izjaviti žalba, najkasnije u roku od 5 dana od dana prijema ove odluke, u skladu sa članom 99. i 101. stav 1., Zakona o javnim nabavkama BiH.

#### **DOSTAVITI:**

1. Svim ponuđačima u postupku nabavke
2. Komisiji za javne nabavke
3. Služba za privredu, urbanizam i zaštitu okoline
4. U spis
5. A/a

  
**OPĆINSKI NAČELNIK**  
Nermin Mandra

